

吳郡志卷五十

吳郡 范成大 撰

雜志

吳王僚時吳邊邑處女與楚之邊邑脾梁之女
蠶爭界上之桑二家相攻吳不勝更相伐滅
吳之邊邑吳王僚怒使公子光伐楚取居巢
鍾離

公子光伏甲士於窟室中具酒請王僚僚白其
母曰公子光爲我具酒期無變乎母曰光心

汲古閣

正本氏

一

氣怏怏常有愧恨之色不可不防王僚乃被
棠鍬之甲三重使兵衛陣於道自宮門至於
光之門階席左右皆王僚親戚使坐立侍皆
操長戟交軹酒酣光佯爲足疾入窟室使專
諸置魚腸劍炙魚中進之旣至王僚前專諸
擘炙魚因推匕首立戟交軹倚專諸胸斷臆
開匕首如故以刺王僚貫甲達背王僚旣死
左右共殺專諸衆士擾動光伏甲士攻僚衆
盡滅之遂自立是爲吳王闔閭以位遜季扎

季扎曰苟先君無廢祀社稷有奉乃吾君也
吾誰怨乎哀死事生以俟天命非我生亂立
者從之是前入之道復命哭僚墓復位而公
子蓋餘獨庸二人將兵遇圍於楚者聞光殺
王僚自立乃以兵降楚楚封之於舒吳越春秋
越王勾踐既以西施鄭旦獻夫差又飾美女八
人納太宰嚭曰子苟能放越之罪又有美於
此者將進之案此夫差君臣皆爲美色所蠱
以致破國亡身焉

吳王夫差既爲越王勾踐所逼將死曰以三寸
帛幘吾兩目使死者有知吾慙見伍子胥公
孫聖越王則解綬以幘其目史記正義曰今
之面衣是其遺象顧野王曰大巾覆也

晉安北將軍范汪爲亘溫所免朝廷憚溫不敢
執談者爲歎恨汪屏居吳郡從容講肄不言
枉直

咸安二年亘溫矯太后詔令廢帝爲海西公徙
居吳縣西七里勅吳國內史刁彝防衛帝深

慮橫禍乃杜塞聰明終日酣暢太元十一年
殂于吳與庾后合葬吳陵

隆安三年孫恩作亂吳會承平日久人不習戰
所在多破亡吳國內史亘謙出奔無錫內史
袁山松築扈瀆壘緣海備恩明年恩復入陝
口轉寇扈瀆害山松浮海而北劉裕等并軍
躡之復沿海還南裕復大破恩於扈瀆恩遂
遠遁赴海自沈

咸和三年蘇峻反虞潭自吳興太守加督三吳

晉陵宣城義興五郡軍事遣將距管商於吳
縣爲商所敗峻平轉鎮軍將軍吳國內史
蘇峻之亂郡入顧衆爲揚威將軍義興太守還
吳潛圖義舉時吳國內史庾冰奔會稽峻以
蔡謨代之將軍張慙爲峻收兵於吳衆遣人
諭慙慙從之衆遣告謨曰衆已潛合家兵待
時而奮謨乃檄衆爲本國督護衆從弟護軍
參軍颺爲前鋒督護吳中人士同時響應峻
遣將弘徽鼓行而前衆與颺慙要擊戰于高

祚大破之謨以庾冰還任便去郡衆遣颺率諸軍屯無錫恐賊從海虞道入衆自往備之賊帥張健馬流攻無錫颺等大敗冰亦失守健等遂據吳城衆自海虞由婁縣東倉與賊戰破之義軍又集進屯烏苞會稽內史王舒吳興內史虞潭并檄衆爲五郡大督護潭前鋒戰沒衆還守紫壁賊黨方銳義軍沮退人咸勸衆率衆過浙江衆曰不然今守固紫壁可得全錢唐以南五縣若越他境便爲寓軍

控引無所非長計也臨平人范明謂衆曰此地險要可以制寇衆乃以明爲參軍合諸軍復進討健健退于曲阿畱錢弘爲吳令衆軍至路丘卽斬弘首衆進住吳城遣督護朱祈等九軍攻賊大破之峻平論功衆以承檄奮義推功蔡謨謨以衆倡謀非己之力俱表相遜論者美之封鄱陽縣伯

蘇峻之役王導潛與張闓謀密宣太后詔於三吳速起義軍闓遣吳郡度支運四部穀以給

軍又與吳郡內史蔡謨等招集義兵討峻
蘇峻反遣其徒管商等攻吳郡焚吳縣海鹽嘉
興敗諸義軍峻敗後其將劉徵又率衆數千
浮海入婁縣詔以郗鑒都督諸軍事討平之
亘元太元末補義興太守鬱鬱不得志嘗登高
望震澤歎曰父爲九州伯兒爲五湖長棄官
歸國

王廞以母喪居吳王恭舉兵假廞建武將軍吳
國內史令起軍爲聲援廞卽墨經合衆誅殺
異己乃遣前吳國內史虞嘯父入吳興義興
聚兵衆潰奔走不知所在

慕容皝僭位於燕以吳人爲吳縣隸燕國

苻堅將寇晉引群臣會議太子左衛率石越對
曰今歲鎮星守牛斗福德在吳懸象無差未
可犯也

宋江夏文獻王義恭善騎馬好遊行或二三百
里孝武帝聽其所之東至吳郡登虎丘山又
登無錫烏山以望太湖

王僧達爲吳郡太守以屢遷失意吳郭西臺寺多富沙門僧達求須不滿欲遣主簿顧曠率門義劫寺中沙門竺法瑤財數百萬又立宅於吳多役工力坐免官

唐光啓初劇賊剽崑山招討使周寶遣將張郁戍海上郁叛刺史王蘊謂將兵還休不設備郁遂大掠蘊嬰城守寶遣兵討郁郁保常熟遂走海陵

楊茂實爲蘇州刺史南面招討使周寶之壻也

重斂人不聊生田令孜以趙載代之茂實不受命寶表畱不聽乃殘郭署汙垣墉而去淮將楊行密寇姑蘇別將秦裴屯崑山吳越將顧全武擊裴圍之於崑山甚急裴援絕不降頗殺傷士卒全武爲長檄諭之裴乃納款光啓中六合鎮將徐約攻陷蘇州逐刺史楊茂實擾其地劫吳越貢賦錢鏐遣其弟鉞率兵破約約竄入海中劫剽中箭死鏐以海昌鎮將沈璨權知州事

龍紀中錢鏐既破走徐約詔給事中杜孺休爲
刺史大順元年李袷陷蘇州制置指揮使沈
璨害孺休及其兄延休而奔錢鏐鏐將誅之
遂奔孫儒儒復以璨爲蘇州制置使孺休延
休異母弟同日生至是同日死人咸異之
景福元年錢鏐既平孫儒命從弟鉞爲蘇州招
緝使乾寧五年平臺濛又命曹圭爲蘇州制
置使皆鏐私官也

後梁開平中楊行密圍姑蘇錢鏐命其弟鋸鏢

帥江海遊奕都虞候何逢內外夾攻生擒淮

將何

從從
月良

閻丘眞等三千餘人獲兵甲生口

三十萬戰船二百餘艘鏐遂親巡姑蘇淮人
圍姑蘇城中軍將孫琰號孫百萬專製守禦
之具淮人以洞屋攻城琰設高竿竿上着大
輪盤載大鐵渴烏引半繩運出城外而反其
洞屋鼓噪而揭去之賊兵盡露因加矢石淮
人退舍尋復縱巨石擊城聲如雷城中大懼
琰乃盡取公私繩結網用巨木張之蔽于城

屋石之墜者悉着網中賊計遂沮

備史遺事

梁侯景遣中軍侯子鑒入吳郡以廂公蘇單于爲吳郡太守吳興太守張嵎舉兵討景嵎稷之子也景號令所行唯吳郡以西南陵以北而已吳盜陸緝等起兵襲吳郡殺蘇單于推前淮南太守文成侯寧爲主

侯景敗至晉陵得田遷餘兵因驅掠居民東趨吳郡侯瑱追及景於松江景猶有船二百艘衆數千人瑱進擊敗之景與腹心數十入單

舸走推墮二子於水遂入海

陳吳州刺史蕭瓛能得物情三吳父老曰吾君之子也陳亡吳人推瓛爲主與蕭巖同據東吳之地隋使宇文述討之瓛立柵於晉陵城東畱兵拒述遣其將王褒守吳州自義興入太湖欲掩述後述進破其柵迴兵擊瓛大破之又遣兵別道襲吳州王褒衣道士服棄城走瓛以餘衆保包山隋將燕榮擊破之瓛匿民家爲人所執送長安斬之吳會悉平

本傳

隋大業九年劉元進舉兵應楊

從從
△

感將渡江

而

從從
△

感敗吳郡朱燮晉陵管崇亦舉兵共

迎元進據吳郡衆至十萬燮還俗道人長不滿七尺涉獵經史微知兵略時爲崑山博士知天下將亂謀於學而起兵赴者如歸自東陽至京口千餘里並受燮節度崇隱居常熟美姿容少不藉長七尺三寸推崇爲主煬帝將吐萬緒進軍逼之相持百餘日爲緒所敗保於黃山緒復破之燮戰死帝令江都郡丞

王世充發淮南兵擊之世充旣渡江元進與崇俱爲世充所殺劫魁帥先降世充於通聖寺佛像前燒香爲誓誓不誅殺吳人聞世充有信誓一旬之間歸首略盡世充貪而無信利在子女資財並坑斬首八千餘人於黃山之下時以爲負誓殺降不祥武德之際果遂殲夷

唐武德三年李子通度江攻沈法興法興棄毗陵犇吳杜伏威遣輔公祐攻子通子通大敗

東走太湖收合亡散得二萬人襲法興於吳郡大破之法興帥左右數百人棄城走吳郡賊帥聞人遂安遣其將葉孝辯迎之法興中塗而悔欲殺孝辯更向會稽孝辯覺之法興窘迫赴江溺死子通軍勢復振帥其群臣徙都餘杭盡收法興之地北自太湖南至嶺東包會稽西距宣城皆有之伏威將王雄誕擊子通子通降聞人遂安據崑山無所屬伏威使雄誕擊之以崑山險隘難以力勝乃單騎

造其城下陳國威靈示以禍福遂安感悅帥諸將出降於是伏威盡有淮南江東之地

上元元年劉展反江淮都統李峘自潤州犇宣城副使李莊用曰以數十州之兵食三江五湖之險固不發一矢而棄之非勇也收散卒得七百人東至蘇州募壯士得三千人立柵以拒展與展將張景超戰於郁墅兵敗景超遂據蘇州展以其將楊持璧爲蘇州刺史明年展敗餘黨悉平展驍將王恒引兵東走至

常熟而降

永貞二年李錡跋扈於浙西朝廷以杜兼爲蘇州刺史兼辭行上書稱錡且反必奏族臣上然之畱爲吏部郎中元和二年錡果反以其腹心姚志安處蘇州刺史李素爲志安所虜錡敗乃免

白居易自杭徙蘇首尾五年自云兩地江山遊得遍五年風月詠將殘可謂極宦遊之適矣其在蘇夜遊西武丘詩云領郡時將久遊山

數幾何一年十二度非少亦非多蓋一月一遊武丘矣此詩中又識侍行容滿蟬態十妓姓名殊不以爲嫌又因黃橘夜汎太湖其詩云十隻画船何處宿洞處山脚太湖心又自太湖寄元稹詩云報君一事君應羨五宿澄波皓月中則是連五日夜在洞庭汎舟雖白公風格高邁好事不窘束亦當時文法網疎不以爲怪古今時異事異有如此者其後劉禹錫守蘇白爲河南尹又作憶舊遊詩寄禹

錫又有夢蘇州寄馮侍御詩眷眷此邦甚厚
則知吳在當時爲名邦樂國能使賢者思之
而不忘今錄其詩以見一時人情物態之大

略

白居易憶舊遊憶舊遊之地多蒼苔江南舊遊

凡幾處就酒中一杯憶閭門曉嚴旗苑出綠柳萬夕樹

開六船七舫年迴前脩狂娥爛熳燈千外急思徘徊李頭上

張態一宮花枝應五夜三賴得劉郎解吟月詠江爲

山氣馮侍御楊州驛裏夢蘇州水

閣頭中覺昨夜不知誰遊侍

吳郡卷五十

十二

咸通中崔璞守吳郡時皮日休爲部從事與處
士陸龜蒙爲文會之友風雨晦冥蓬蒿翳蒼
未嘗不作詩璞間爲詩亦令兩人屬和吳中
名士亦多與焉一年間所作盈積龜蒙哀爲
十通日休名之曰松陵集

乾德丙寅平望村王氏女病起言語倒亂多言
灾異有成都卒楊恭者助之號天仙二娘子
蘇帥聞之召入城居古宅中施符水旁郡人
雲集其後虛妄之事發此女逃入人家踰年

乃獲杖之勒令嫁人收其金帛入於道宮
諺曰天上天堂地下蘇杭又曰蘇湖熟天下足
湖固不逮蘇杭爲會府諺猶先蘇後杭說者
疑之白居易詩曰雪川殊冷僻茂苑太繁雄
惟有錢塘郡閒忙正適中則在唐時蘇之繁
雄固爲浙右第一矣

楊備郎中天聖中爲長溪令忽夢作詩云月俸
蚨錢數甚微不知從宦幾時歸東吳一片輕
波在欲問何人買釣磯意甚異之明道初爲

華亭令丁內艱遂家吳中樂其土風安之因
悟夢中語嘗效白樂天作我愛姑蘇好十章
又作姑蘇百題詩行於世

吳郡解額自祥符間定制秋舉以四人爲率慶
曆中應舉者止二百人范貫之龍圖送錢正
叔赴舉序已言四人之額視它藩爲最寡熙
豐間舉人漸多增至六人三舍法行罷科舉
法歲貢四人舍法罷合三年之數爲十二人
紹興丙子增流寓一名今終場之士二千猶

爲額窄也

大觀中章莊敏公質夫之子縉爲時相誣以盜鑄詔開封尹李孝壽來置獄連逮千餘人屯甲士圍其家鉦鼓聲徹晝夜郡人震駭獄不成又遣御史沈畸蕭服姚其來重鞫之甚至州人多閉戶或自門隙中窺觀不敢正視識者知其非太平氣象其後遂有建炎金狄之禍方章氏事前城中小兒所在群聚而唱云沈逍遙沈逍遙莫知其由已而三御史至

丁晉公兒童時嘗從老郁先生學郁居光盪巷淳化中公自參知政事拜平江軍節度使知昇州以本鎮節旄還家首詣郁居拜之堂下郁呼曰拜殺老夫矣話舊欸密且云謂少年狹劣先生教誨痛加榎楚使得成立皆先生賜也郁没公遣吏治後事甚嚴

本朝陳文惠公

堯佐

能爲詩世稱其吳江詩云

平波渺渺煙蒼蒼菰蒲纔熟楊柳黃扁舟繫
岍不忍去秋風斜日鱸魚鄉今吳江口有鱸

鄉亭蓋取公句淡

江鄰幾善爲詩清談有古風蘇子美坐進奏院
事謫官後死吳中江作詩云郡邸獄冤誰與
辨臯橋客死世同悲用事甚精當

劉貢父詩話

南北章本建安人郇公得象之裔後徙居吳兩
族申公子厚家州南莊敏公質夫家州北兩
第屹然相望甲於郡城人號爲南北章今其
兩族子孫仕者不絕

賀鑄字方回本越人後徙居吳之醋坊橋作吳
趨曲甚能道吳中古今景物方回有小築在
盤門外十里橫塘嘗扁舟往來作青玉案詞
黃太史所謂解道江南斷腸句如今只有賀
方回卽此詞也

王明之岐公之子在姑蘇有所愛比至京師爲
公強畱之逾時作詩云黃金零落大刀頭玉
筯歸期畫到秋紅錦寄魚風逆浪碧簫吹鳳
月當樓伯勞知我經春別香蠟窺人一夜愁
好去渡江千里夢滿天梅雨是蘇州句甚工

石林詩話

葉左丞夢得居吳下一日出閶門至小寺中壁間有題詩一絕云黃葉西陂水漫流籊籊風急送扁舟夕陽暝色來千里人語雞聲共一丘意極嘉之而不書名氏寺僧云吳縣主簿寇國寶所作也國寶徐州人從陳無已學云

石林詩話

朱冲本以常賣爲業常賣者收拾毀棄及破缺畸殘器物沿門販鬻者以過犯再杖脊而徒

後乃變業賣藥家浸溫能以錢米 藥調給

飢寒老病者宣政間其子勔因中貴人遂以花石得幸人家園館及墳墓有一花一木之佳者悉用黃封徑取之并鑿太湖石同載以進奉京師謂之花石綱所過橋梁礙綱者毀折以過發運司綱舟悉撥充花石綱父子俱建節鉞卽其家作雙節堂又画 徽廟御容立御容殿於家監司郡守就朝朔望日勔嘗預曲宴上親握其臂遂以黃帛纏之與人

揖不舉此臂弟姪聯姻帝族園丁悉賜金紫
靖康初元勔伏誅竄其家海上其門下人得
告身者盡褫之今其地爲張循王宅

闔閭十年國東有夷人侵逼吳境吳王大驚令
所司點軍王乃宴會親行平明出城十里頓
軍憩歇今憩橋是也王曰進軍所司又奏食
時已至令臨頓吳軍宴設之處今臨頓是也
夷人聞王親征不敢敵收軍入海據東洲沙
上吳亦入海逐之據沙洲上相守一月屬時

風濤糧不得庚王焚香禱天言訖東風大震
水上見金色逼海而來遶吳王沙洲百匝所
司撈漉得魚食之美三軍踴躍夷人一魚不
獲遂獻寶物送降欵吳王亦以禮報之仍將
魚腹腸肚以鹹水淹之送與夷人因號逐夷
夷亭之名昉此吳王回軍會群臣思海中所
食魚問所餘何在所司奏云並曝乾吳王索
之其味美因書美下着魚是爲鮓字今從失
非也魚出海中作金色不知其名吳王見腦

中有骨如白石號爲石首魚
吳地記

吳郡卷五十
十八

吳郡志卷第五十

余家新安之西麓邨，幻後先人游學於吳。今在吳十有五年矣。余聞先人之訓曰：君子居其邦，必不敢苟，且以混俗。况吳大郡也。山水清嘉，衣冠所聚，繪圖續記，代不乏人。然世遠迹湮，不可得見者，僅存其目於藝文誌中，收殘綴軼，曷可緩哉。乙求季冬，虞山毛子修遠寓書吳門，載所刻范文穆公吳郡志板，屬余校修行世。余觀其刻畫完好，數十年束之高閣者，略不為蟲齧鼠

傷其愛護之如拱壁也。亦可如己甚為嘉美，不置云。及讀南塘趙先生序，反覆證明，乃益曉然於古人之紀載如此其整嚴也。彼求附入者，則拒而不許，一時譁然。姑俟之，越四十年而論始定，何其難也。今學者易言作志，然而翫骸將順，罔識剪裁，不幾以千載之褒貶為一人之愛憎耶。良可歎也。夫作志而不得其人，不如勿作。作亦勿傳。若文穆公所編之志，非但譁然者欲阻。

其傳而不可得且以譁然有阻其傳者而
傳乃益可久已新安後學汪瑞齡謹識

吳郡志跋

